

霑益州志卷之四 藝文上

藝文

蓋自君著文明歌傳喜起而後文事開矣我
國家積德累仁宇宙太和之機洋溢中外

列聖宸翰所頒翩然龍鳳之舞鏘然鈞韶之鳴而諸
名臣奏疏檄文根於忠愛皆足被之金石光
垂下邑其古今題詠州景與郡人歌揚盛績
以次附之敢以鬪風花月露之奇乎抑使邊
隅士庶油油於詞壇之可樂乃知文教覃敷固

霑益州志

卷四 藝文上

三十五

已深且遠矣志藝文

聖制

御製訓飭士子文

康熙四十一年

國家建立學校原以興行教化作育人材典至
渥也朕臨馭以來隆重師儒加意庠序後慎簡
學使釐剔弊端務期風教修明賢材蔚起庶幾
棧樸作人之意乃比來士習未端儒效罕著雖
因內外臣工奉行未能盡善亦由爾諸生積錮
已久猝難改易之故也茲特親製訓言再加警

飭爾諸生其敬聽之從來學者先立品行次及
文學學術事功源委有叙爾諸生幼聞庭訓長
列宮墻朝夕誦讀寧無講究必也躬修實踐砥
礪廉隅敦孝弟以事親秉忠貞以立志窮經考
義勿雜荒誕之談取友親師悉化僇盈之氣文
章歸於醇雅毋事浮華執度式於規繩最防蕩
軼子矜佻達自昔所譏苟行止有虧雖讀書何
益若夫宅心弗淑行已多愆或蜚語流言挾制
官長或隱糧包訟出入公門或唆撥奸猾欺孤

霑益州志

卷四

藝文上

三十六

凌弱或招呼朋類結社要盟乃如之人名教不
容鄉黨弗齒縱幸脫褫扑濫竊章縫反之於表
能無愧乎况鄉會科名乃掄才大典關係尤鉅
士子果有真才實學何患困不達年顧乃標榜
虛名暗通聲氣夤緣詭遇罔顧身家又或改竄
鄉貫希圖進取器凌騰沸網利營私種種弊端
深可痛恨且夫士子出身之始尤貴以正若茲
厥初拜獻便已作奸犯科則異時敗檢踰閑何
所不至又安望其秉公持正為國家宣猷樹績

膺後先疏附之選哉朕用嘉惠爾等故不禁反
覆惓惓茲訓言頒到爾等務體朕心恪遵明訓
一切痛加改省爭自濯磨積行勤學以圖上進
國家三年登造束帛弓旌不特爾身有榮即爾
祖父亦增光寵矣逢時得志寧候他求哉若仍
視為具文玩愒弗儆毀方躍冶暴棄自甘則是
爾等冥頑無知終不能率教也既負栽培復干咎
戾王章具在朕不能為爾寬矣自茲以往內而
國學外而直省鄉校凡學臣師長皆有司鐸之
責者竝宜傳集諸生多方董勸以朕懷否則
職業弗修咎亦難追勿謂朕言之不預也爾多
士尚敬聽之哉

霽益州志

卷四

藝文上

三十七

世宗憲皇帝

聖諭廣訓序

雍正二年

書曰每歲孟春道人以木鐸徇於路記曰司徒
修六禮以節民性明七教以興民德此皆敦本
崇實之道為牖民覺世之模法莫良焉意莫厚
焉我

聖祖仁皇帝久道化成德澤普仁育萬物義正萬
民六十年宵衣旰食祇期薄海內外興仁講讓
革薄從忠共成親遜之風永享昇平之治故
特頒上諭十六條曉諭八旗及直省兵民人等自綱
常名教之際以至於耕桑作息之間本末精粗
公私巨細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大
統臨御兆人以

霽益州志

卷四

藝文上

三十八

聖祖之心為心以

聖祖之政為政夙夜黽勉率由舊章惟恐小民遵信
奉行久而或怠用申誥誠以示提撕謹將

上諭十六條尋繹其義推行其文共得萬言名曰
聖諭廣訓旁徵遠引往復周詳意取顯明語多直樸
無非奉

先志以啟後人使羣黎百姓家喻而戶曉也願爾兵
民人等仰體

聖祖正德厚生之至意勿視為條教號令之虛文共

勉為謹身節用之庶人盡除夫浮薄囂凌之陋
習則風俗醇厚家室和平在朝廷德化樂觀其
成爾後嗣子孫竝受其福積善之家必有餘慶
其理豈或爽哉

御製平定金川告成太學碑文

天畀我皇清握乾符附坤軸函括萬邦悉主悉臣
五后纘承創守佑啟亦惟是二三蓋臣布德宣力予
曰有先後予曰有禦侮用造我不丕丕基罔有隳
芽罔不煦嫗長養游於大當粵有金川娑羅奔

霏益州志

卷四

藝文上

三十九

者居西蜀桃閔以外界綽斯用小金川之間向
曾從征得受符檄與諸司齒顧特其險遠夜郎
自大構釁鄰番各土司申訴封疆吏吏曰募之
不圖豈其視為甌脫乃請兵籌餉期掃其穴而
司其事者或怯縮以老師或獯狡以蓄志軍無
適從事用弗集予心惻然念邊徼之不寧或致
增防置戍重勞吾民大學士忠勇公傅恒義同
休戚毅然請肩斯任乃命以經畧印益厚集諸
路軍芻粟相繼閭閻不驚卜吉於戊辰十一月

之三日

馮牙以指所征朕親禦武帳賜經畧酒以行天日和昶陽氣宣復都人士聽覩聳躍罔不忻喜謂露布之旦暮至也乃歷燕晉驅秦龐越劍閣絕川江凌桃閔之巖徑天射之峻又日討軍實而教誡拊循之均其渴飲饑食固其曉征夜眠至於密贊機務親草奏章則又經畧獨勤其勞而諸武臣有所不知有弗能共者恩威既明士用益勵度番落如戶庭過部伍於衽席奸酋授首

霑益州志

卷四

藝文上

四十

軍聲大振復以巨礮擊其碣堅碣以摧將俟諸軍之集搗其中堅而番酋駸駸喙稽首請詳經畧臣以彼罪重惡極窮而乞生久或渝且偕焉慮不允所請朕惟

天地

之德在好生彼蟻潰而鼠駭者毋寧赦而宥之且求降而盡殲之不可謂武矧不足以汚我斧也於是經畧宣朕明旨登壇受降已~~已~~二月之望日金川平定捷音至京是役也深入數千里奏凱未七旬而振旅之師多有返自中途未究

其用者昔之成功巴蜀如建武之定公孫江陵
之降李勢皆在版圖之內無足比數廷臣舉

皇祖朔漢

皇考青海成例請勒碑成均以示來許夫東丹誠而
運籌決勝永靖荒徼者經略大學士之功也商
可否於帷幄衝石矢於行陣者參贊大臣及諸
將士力也朕何有焉惟是體乾元之德凜佳兵
之戒保大定功安民和衆庶幾可以垂則乎乃
係之辭曰維

霽益州志

卷四

藝文上

四十一

天生人類聚群分凡茲林林孰非我民有羈而縻有
誨而諄豈伊異視遠近殊倫守在四夷稽古名
言無已用之寓義於仁蠢彼金夷恃其險阻
蠶食豨張謂莫我拒不靖不庭侵厥鄰聚駭奔
吽呶以干大咎匪棘匪紓玃狁之故我張我伐
玃狁之故我師既集賊亦相持匪敢相持懼
誅自支兩易寒暑枚功稍稽賊益以狂怒臂當
車罪臣既誅以徇我師朕咨於恆汝往視之
朕咨於恆惟汝同德惟我庶士亦久於彼將茲

旗兵羽林神策其勇熊羆其心金石何敵弗摧
何攻弗克濟以汝忠奏捷頃刻恒拜稽首臣
敢弗覆既禡既宜師出於京時惟一陽未逾五
旬乃壓其疆前旌獵獵有節煌煌羣番迺驚謂
自天降惟彼攸恃曰良爾吉以偵以謀如鬼
如蜮其恃爰誅其類股慄紀律是明戎兵是詰
鑄礮攻礮其守以失惟是懼誅潛弗敢出其
潛弗出乃旦夕延將齊我軍披其中堅大鞬大
膊期月之前彼乃窮蹙乞降悚虞惟命是從六

霑益州志

卷四 藝文上

四十二

事永遵除道築壇肉袒羊牽

趙趙鍾琪乃度

之愬聿抵賊巢開誠以諭攜其二酋軍門親赴

悔罪歸誠車塵馬足順斯撫之昭我王度昔也

雷霆今也雨露七縱諸葛單騎汾陽曰我相

臣於前有光晉爵錫服黻龍章速歸黃閣左右

贊襄休養生息惠鮮蜀邦我武既揚無疆惟慶

御製平定準噶爾告成太學碑文

遼矣山戎薰粥旃裘毳幕之人界以龍沙畜其

驪奚雖無恆業厥有分部蓋自元黃剖判萬物

芸生東夷西夷各依其地謬舉淳維未為理據
皇古莫紀其見之書史者自周宣太原之伐秦
政亘海之築莫不畏其侵軼猾夏是虞自時厥
後一二奮發之君慨然思挫其鋒而納之宥然
事不中機材不副用加以地遠無定處故嘗勞
衆費材十損一得搢紳之儒守和親介冑之士
士言征伐征伐則民力竭和親則國威喪於是
有守在四夷羈縻不絕地不可耕民不可臣之
言興矣然此以論漢唐宋明之中夏而非謂我

霑益州志

卷四

藝文上

四十三

皇清之中夏也皇清荷

天之龍興東海撫華區有元之裔久屬版章歲朝貢
徒征狩執役惟謹準噶爾厄魯特者本有元之
臣僕判出據西海終明世為邊患至噶爾丹而
稍強吞噬鄰蕃闌入北塞我

皇祖三臨朔漠用大破其師元惡伏冥誅脅徒遠遯
跡毋遺種於我喀爾喀厥姪策妄阿拉布坦
收其遺孽僅保伊犁故嘗索俘取地無敢不共
逮夫部落滋聚乃以計襲哈密入西藏準夷之

勢於是而復張兩朝命將問罪雖屢獲捷而庚戌之役逆子噶爾丹策凌能用其父舊人乘我師急掠畜於巴里坤擣營於和卜多於是而準夷之勢大張然地既險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武既揚不可以既允其請和以息我衆予小子敬奉

先志無越思焉既而噶爾丹策凌死子策妄多爾濟

霽益州志

卷四

藝文上

四

那木扎爾暴殄喇嘛達爾扎篡奪之達瓦齊又篡奪喇嘛達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我親凡運餉籌馱長行利戰之事悉備議之始熟經 庚戌之艱者咸懼蹈轍惟大學士

忠勇公傅恆見與朕同而新附諸台吉則求之甚力朕謂犁庭掃穴即不取必然喀爾喀之地必不可以久居若兩人毋寧用其鋒而觀厥成即不如志亦非所悔也故凡

禡旗命將之典慨未舉行亦云偏師嘗試為之耳塞上用兵必以秋而阿睦爾撒納禡木特請以春月欲乘彼馬未肥則不能遂朕謂其言良當遂從之北路以二月丙辰西路以二月己巳各起行哈密瀚^海向無雨今春乃大雨咸以為時雨

霽益州志

卷四

藝文上

四十五

之師入賊境凡所過之鄂拓克攜羊酒糗糒迎恐後五月乙亥至伊犁亦如之達瓦齊於格登山麓結營以待兵進萬我兩將軍議以兵取則傷彼必象彼象皆我象多傷非所以體上慈也丁亥遣阿玉錫等二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌回人阿奇木霍集師伯克執達瓦齊來獻軍門準噶爾平是役也定議不過二人

籌事不過一年兵行不過五月無亡矢遺鏃之費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之衆云爾豈其鄉大夫之謂既克集事則又曰苟知其易將勸為之夫明於事後者必將昧於幾先朕用是寒心且準噶爾一小部落耳一二有能為之長而其樹也固焉一二暴失德之長而其忘也忽

霑益州志

卷四 藝文上

四十六

焉朕用是知懼武成而勒碑文廟例也禮臣以為請故據實事書之其辭曰

茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻而乘我緩其計在斯其長可窮止弋靖邊化日薰風不侵不距不來其那欵闕求市亦不禁訶始慕希璠終居其貨吏喜無事遷就斯煥漸不可長我豈懼其豈如宋明和而市之為既知其然飭我邊吏弗縱弗嚴示之

節制不仁之守再世斯斬篡奪相仍飄然荏苒
夙沙革面煎鞏披忱集泮飛鷄食黠懷音錫之
爵位榮以華裾膝前面請願効前驅兵分兩路
雪甲霜鋒先導中堅如鼉錯益以後勁蒙古舊
屬八旗子弟其心允篤二月卜吉牙旗飄飄我
騎斯騰無待折膠泉涌於磧蕪茁於路我衆勸
躍謂有天助匪啻我衆新附亦云黃髮未覩水
草富春烏魯木齊波羅塔拉台吉宰桑紛紛歛
納牽其肥羊及馬潼酒獻其屠耆合掌雙手予

霑益州志

卷四

藝文上

四十七

有前諭所禁侵陵以茶交易大愉衆情既愉來
者日繼蠢達瓦齊擁兵自衛依山據淖惟旦夕
延有近萬人其心十千勇不目逃擒二十五日
阿玉錫率往賊所銜枚夜襲直入其郭揮矛拍
馬大聲疾呼彼人既離我志斯合突將無前縱
橫鞞鞞案角鹿挂隴種束籠自相狼籍孰敢撻
鋒狐竄鼠逃將往異域回部遮之兇渠斯得露
布既至告廟受俘凡此歲功荷

天之衢在古周宣二年乙亥淮夷是平常武詩載越

我

皇祖征噶爾丹命將

禡旗亦乙亥年既符歲德允協師貞兵不血刃漠

無王庭昔時準夷弗恭弗諱今隨師行為師候

尉昔時準夷日戰夜征今也偃卧知樂人生曰

匪準夷曰我臣僕自今伊始安爾遊牧爾耕爾

長孫子曰無向非豈有今是

兩朝志竟億載基成側席不違保泰持盈

御製平定回部告成太學碑文

霽益州志

卷四

藝文上

四六

建非常之功者以舉非常之事舉非常之事者

以藉非常之人然亦有不藉非常之人而舉非

常之事終建非常之功者則賴

昊蒼篤貺神運幹旋事若禍而移福機似逆而轉

順順

天者昌逆

天者亡故犁準夷之庭掃回部之穴五年之間兩勳

竝集始遲疑猶未敢信終劼劬以底有成荷

天之龍在茲畏

天之鑿益在茲爰叙其事如左達瓦齊之就俘也伊犁已大定矣無何而阿睦爾撒納叛彼其志本欲藉我力以成已事時也人心未定佐饗者嘗一域肆狂萬俎應響蜂屯蟻雜不可爬梳畏難者群謂不出所料準夷終不可取竝有欲棄巴坤為退守謀然予計其象志不齊將有歸正倒戈者於是督策將帥之臣整師亟進既而伊犁諸台吉宰桑果悔過勤王思討逆賊以自贖此天恩助順者一也二酋大小和卓木者以回部望族

霑益州志

卷四

藝文上

四十九

久為準噶爾所拘於阿巴噶斯鄂拓者也我師既定伊犁乃釋其囚以兵送大和卓木波羅泥都歸葉爾奇木俾統其舊屬而令小和卓木霍集占居於伊犁撫其在伊犁象回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦即收其餘象竄歸舊穴此

天恩助順者二也準夷之事前紀略見梗概茲不復紀紀興師討徇之由則以我將軍兆惠在伊犁

時曾遣副都統阿敏道往徇議事小和卓木乃以計誘阿敏道而拘之及我師底庫車問罪彼携阿敏道以來援至中途害之及從行者百人彼猶逞其狂勃抗我師顏且敢冒死入庫車城乃雅爾哈善略無紀律致彼出入自由然我滿洲索倫象兵士無不念國家之恩効疆場之力故能以少勝衆逆渠懼而免脫此

天恩助順者三也知饋轅之無齊掄幹材之可任時將軍兆惠以搜剿準夷餘黨至布露特部落已

霽益州志

卷四

藝文上

五十

欵服其衆因命旋師定回部於是克庫車存沙雅爾定阿克蘓畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將奪旗退而築堡黑水固守以待此

天恩助順者四也萬里之外抱水救火其曷能齊乃予以去年六月即降旨旅兵撥馬欲以更易久

在行間者耳故兵馬率早在途一趨進而各爭前恐後人人有敵愾之憤此

天恩助順者五也副將軍富德及參贊舒赫德輩率師進援以速行戈壁中馬力復疲值狂獬據險坐候頗有難進之勢夫援軍不能進則固守以待者危矣而參贊阿里哀驅後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不暇於是解黑水之圍鹿駭麀驚遁而保窟我之兩軍合隊全

霽益州志

卷四 藝文上

五十一

旋以迴阿克蘓此

天恩助順者六也既而彼料我必再入泰山之壓難當乃於我師未進之先撲其部落載其重器跳而遠去而葉爾奇木哈什哈爾二城之舊伯克等遂獻城以降參贊明瑞一邀之於霍斯庫魯克副將軍富德再陷之於阿爾楚爾於是離心者西內前途者反旆二酋惟挈其妻孥及舊僕僅三百人入拔達克山境此

天恩助順者七也人跡不通之地語言不同之國既

已雀毆寧不狼顧其授我與否固未可定也然
一聞將軍之檄莫不援旗請奮整旅前遮遂得
兇渠函首露布遙傳此

天恩助順者八也夷考西師之役非予夙願之圖何
則實以國家幅員不為不廣屬國不為不多惟
履守成之志無希開創之名兼以承平日久人
習於逸既無非常之人安能舉非常之事而建
非常之功哉然而輾轉輻每以艱而獲易視若
失而反得故自締始以逮定功雖予自問亦將

霑益州志

卷四 藝文上

五十二

有所不解其故而不敢期其必然者故曰非人
力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心
上蒼之心志

列祖之志勉繼繩於有永保丕基於無窮

繫以銘

曰二酋偕德始亂為賊是興王師報怨以直伊
犁既平蕞爾奚屑徐議耕闢徐議戍設以噢以
咻伊予本懷豈其弗戢圖彼藐狃彼狃不量怒
臂當車戕我王臣助彼狂狙始攻庫車債轅敗
事用人弗當至今為愧悖逆罪重我武宣揚易
將整師直彼疆阿烏蘓什王隴和闐傳檄以
定肉袒羊牽二酋孽深知不可活狼狽相顧固
守其穴桓桓我師周行萬里馬不進焉強弩末
矣以四百人戰萬餘虜退猶能守黑水築堡間

霑益州志

卷四 藝文上

五十三

信達都為之傷悼所幸後軍早行在道督勅速
援人同怒心曾不兩月賊境逼臨賊境逼臨彼
復徼隙馬繼以進賊營夜斫出其不意賊乃大
驚謂自天降孰敢鋒撻大鞞大膊如虎搏兔案
角隴種誰敢迴顧黑水圍解合軍暫旋整旅三
路期並進焉賊傾軍威信不可支挈其妻孥遁
投所依所依亦回豈不自謀豈伊庇猿而受林
憂利厥輜重無遺盡掠遺其都丸遂來獻馘詎
惟獻馘竝以稱臣捧齎表章將詣都門奏凱班

師前歌後舞尸逐染髡温禺覺鼓露布至都正
建初陽

慈寧稱慶亞歲迎祥

郊廟告成諸典竝舉皇皇太學豐碑再樹豐碑再樹
敢予喜功用不得已

天眷屢蒙始之以武終之以文戡亂惟義撫衆惟仁
布惠施恩寰寓共喜古不羈縻今為臣子疆闢
二萬兵出五年據實書永矢乾乾

乾隆三十二年六月十八日奉

霽益州志

卷四

藝文上

五十四

上諭近因緬匪滋擾緣邊土司司事者調度失宜
現在預籌進剿一切軍行儲備雖絲毫不累民
間但大兵所過物價易致翔涌而糧運轉輸亦
不無稍資民力從前平定準夷回部時陝甘各
省俱經節次緩徵蠲賦今滇省軍務方殷宜時
沛殊恩以示體恤所有該省本年應徵地丁錢
糧其大兵經過之地及永昌騰越普洱三府州
著全行蠲免其非經過地方亦著蠲免十分之
五俾得一體沾恩於邊陲生計更為饒裕該督

撫等其飭屬實力奉行毋任吏胥侵漁中飽副
朕嘉惠邊氓 意該部遵諭欽此欽遵

乾隆三十三年二月初七日奉

上諭昨歲大兵進剿緬匪所有經過各省儲峙供
億一切動支帑藏絲毫不累閭閻第以沿途夫
馬運送不無稍資民力疊經降旨將滇省地丁
及各土司應徵銀糧分別蠲免復將湖南湖北
貴州三省軍行所過地方錢糧全行緩徵以示
體恤繼思各省民人感戴國恩深明急公大義

霑益州志

卷四 藝文上

五十五

踴躍効力自當格外加恩用示獎勵應令各該
督撫詳悉確查將各屬軍行所需除正項開銷
外實在所資民力若干核明具奏候朕酌量施
恩嗣據陸續奏到惟阿思哈稱河南實數有八
萬六千餘兩而良鄉則以貴州有所幫貼夫馬
銀數多以鄉保措辦地方官無從核算為詞意
在顛預了事甚屬非是已經交部議處後覽方
觀承所奏直屬所有幫銀亦數止一萬五千餘
兩恐亦事後約舉民車一項而言尚非實數於

朕優恤民隱屏除弊端之本意均未能實心體會也在民人等既知殫心竭力以佐軍行其悃忱深有足嘉則推恩亦倍當優渥然所在有司必於辦理之時悉心察核使茅簷一絲一粟皆有細數可稽經理方為妥協否則牧令付之不知胥役安得不因緣蠹蝕督撫置之不問州縣又安保無恣意侵牟將吏治奚以澄清恩澤何由下究耶著將直隸河南湖北湖南貴州等五省一例從優加賞於藩庫地糧銀內每省給

霑益州志

卷四

藝文上

五十六

銀十萬兩交各督撫酌量情形視其項款數目妥協分給毋得草率模稜致小民不得均霑實惠至雲南一省所有本年應徵地丁錢糧其大兵所過之地及永昌府屬俱著全行蠲免其非經過地方亦著蠲免十分之五該督撫等務期實力飭屬詳慎妥辦無令稍有影射滋弊副朕廣沛殊恩軫念羣黎至意該部遵諭速行欽此
乾隆三十四年二月初八日奉

上諭雲南兵行所過地方及永昌騰越普洱三府

州地丁錢糧頻年降旨加恩蠲免其非經過地
方次寬免十分之五今念該處軍務尚未告竣
若即照例徵輸閭閻未免拮据著再加恩將雲
南一省兵行所過之地及永昌騰越普洱各府
州縣本年應徵錢糧仍照前兩年之例全行蠲
免其非經過地方竝免十分之五至湖北湖南
貴州三省兵行經過處所前已兩次緩徵今再
行加恩將本年地丁錢糧免十分之三俾免按
年帶徵以紓民力該督撫等其董率所屬實心

霑益州志

卷四

藝文上

五十七

經理務令小民均霑實惠副朕軫念羣黎至意
該部遵議速行欽此